

中國方志叢書·華中地方·第三三六號

據

清·劉昌緒修，徐羸纂
同治十年刊本


影印

湖北省

黃坡縣志

(一)

成文出版社有限公司印行



10097638

SK41/08

中國方志叢書·華中地方·第三三六號

據

清·劉昌緒修，徐羸纂
清同治十年刊本

影印

湖北省

黃坡縣志

(二)

成文出版社有限公司印行



*10

SK41/08

中國方志叢書·華中地方·第三三六號

據

清·劉昌緒修，徐羸纂
清同治十年刊本


影印

湖北省

黃坡縣志

(三)

成文出版社有限公司印行



中國方志叢書·華中地方·第三三六號

據

清·劉呂緒修，徐蕪纂
清同治十年刊本


影印

湖北省

黃坡縣志

(四)

成文出版社有限公司印行



S/K41108


中國方志叢書·華中地方·第三三六號

據清·劉昌緒修，徐羸纂
同治十年刊本

影印

湖北省

黃坡縣志



成文出版社有限公司印行

SK4108

中國方志叢書·華中地方·第三三六號

據

清·劉昌緒修，徐羸纂
同治十年刊本

影印

湖北省

黃陂縣志

(六)

成文出版社有限公司印行



10098284

中華民國六十五年 月臺一版

黃陂縣志

全六冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

黃陂縣志

黃陂縣志序

志之爲言記也記其地記其事記其人記其文記善而不記惡記常而不記怪此其大凡也然天下一千三百餘縣莫不有志或摭拾鄰邑之事以爲己有或採取近似之人以冒美名求其信今傳後不濫不遺者往往難之曩者粵捻竄擾各處舊志不過存什一於千百而殘缺過多

聖主當陽削平羣匪

昇平氣象百廢俱興時則漢陽漢川孝感皆以修志爲事而漢

陽先成同年蕭子錫銓部與邑令劉鏡溪謀修黃陂縣志議尙未成而子錫入都供職時則在籍觀察徐海年先生齒德俱尊素有志於是舉迺網羅舊聞哀輯成書劉大令又以新增各條榜示通衢始於壬申十月付梓至癸酉四月告成計距創議之始已五年矣夫黃陂之在春秋也爲黃國在魏晉爲石陽邑之以黃陂名也自北齊始邑之由黃郡改隸漢郡也自雍正七年始北連豫嶺南帶荆江湖賢哲所誕生在童蒙咸誦花柳前川之句緬巾幗有奇節卽婦女亦吟將軍出塞之詩至若

武湖爲黃祖肄武之區治城爲孔瑾大治之地又其無
關重輕者耳今夫安民綏衆舉賢育才地方官之任也
修身齊家移風易俗都人士之責也數百年來科名之
盛甲於他邑絃誦之聲聞於四境何莫非邑令與紳耆
等有以鼓舞而作興之乎是故志前官之政教而後之
令茲邑者可觀也志先正之典型而後之聞其風者可
法也志父兄師友之嘉言懿行而後之無墜家聲無背
師訓者可興也志鄉曲婦女之節烈孝義而後之守身
若玉從一而終者可範也從此士食舊德農服先疇垂

老不登士師之廷暮夜不聞道呼之吏講讓型仁蒸蒸
日上以仰副

朝廷一道同風之盛豈非守斯土者之所厚期而亦修是書
者之所深幸歟是爲序

賜進士出身

諾授中議大夫鹽運使銜漢陽府知府嚴昉謹序

黃陂邑志序

凡修志者倣修春秋意也與修史相表裏黃陂縣志修自康熙五年至今二百有四年矣山川人物忠孝節義以及風俗沿革禮儀藝文當與日月俱懸鬼神爭奧爲人倫之師表地方之矜式豈可以日久年湮廢諸兵燹耶噫此固司牧任地責抑亦都人賢者憂也緒以同治六年丁卯十月承乏下車戎馬倥傯之間簿書紛馳之會每每歎茲邑乘欲得一春秋之筆以紀實者而卒不可得又加以連年水患往來大差僕僕風塵一行作吏


此事幾廢則虛席求賢亦有年矣己巳得見邑紳徐海
年觀察大有澹臺滅明之風敬而詢之始知其弱冠卽
爲邑乘之功臣嘗摘省府兩志中之志本邑者無不採
錄以及各人事實皆鈔附原志後不禁欣然喜曰邑志
得人矣夫四方固多南董百里不少高齊生是邦者豈
真難與論定哉昔洪都志吳越志皆本地雷次宗范石
湖爲之且司馬歐陽皆不以本邑諱觀察其任之毋辭
今來告曰三年精力一旦續成仍列爲十六卷所謂椎
輪爲大輅之始大輅詎有椎輪之質堅冰爲積水所成

積水會微堅冰之凜不濫不漏較楊志又精覈矣而協
修採訪諸紳不辭勞瘁同襄盛舉皆爲

國家稽古右文化民成俗之意亟付剞劂並叙顛末云爾
時同治十年歲在辛未

賜同進士出身

誥授奉政大夫知漢陽府黃陂縣事山左劉昌緒謹序



黃陂邑志序

邑之有志以備掌故也邑志之不可缺人皆知之然或傳聞異辭附會失實一人也而兩邑之民爭之一事也而數邑之書載之則見聞不可不確而採擇不可不精也黃陂邑志自康熙五年前邑侯楊簡菴修之迄今二百有五年矣地方之改隸官職之廢增皆在前志已修之後况乎忠孝節義湮沒不彰愈久而愈失其傳豈非吾邑之闕典哉自楊公修志後貢生張適文名安瑄集見聞錄補邑志所未備麻城教諭蕭冠雲名超運集康